



17 di junhu di 2022

PA: Menbrus di Komitê di Skola di Boston

DI: Alison Hramiec, Diretora di skola di Boston Day and Evening Academy (BDEA)
Cris Rothfuss, Presidente di Konedju di Administradores di BDEA

Ref.: Pididu di Renovason di statutu di Boston Day and Evening

Skola Boston Day and Evening (BDEA) é un Skola Charter I Horace Mann, kredensiadu pa Konedju di Edukason fundamental i sikundário pa un termo di sinku anus. Aprovado orijinalmenti na 1995, i autorizadu pa Massachusetts na 1998, nos statutu foi renovadu kuantu bez sin ninhun kondison. Nu sta ta txiga fin di kuarto anu na un skola autonoma, nos status ta vensi na junhu 2023. Komu parti di prusesu di responsabilidadi di un skola autonoma, nu sta djobi renova nos statutu pa permitinu kontinua ta opera di julhu di 2023 a junhu di 2028. Prusesu di renovason ta iziji ki nu refleto na nos prugresu duranti es periodo atual i trasa nos planus pa futuro. Es aplikason ta apresenta analisis di nos operason i resultados, sugestons di alunus di BDEA, funsionários, famílias, administradores i ekipa di lideransa sénior di skola. Planus pa futuro tanbé ta inklui sugestons di kes partis interesadus. Kes materials foi revisadu i aprobado (na tersa-fera 14 di junhu di 2022) pa Konedju di Administrason di BDEA.

BDEA é un liseu publiku charter alternativu na Roxbury ku un uniku i inportanti funson di serbi alunus ki dja pasa di idadi pa sta na liseu i ki ka ten krédito sufisienti, ku uzo di un modelo di edukason basiado na kompetensia (63% di alunus tevi un nota baxu na nível di serie na avaliason di MAPS). Na es termo nu ten aumentado matrikulas di Edukason Spesial i ESL enkuantu ki nu aumenta pesual i rekursus nisisarios (22% di profesores ten dós sertifikason na ESL i 48% na Edukason Spesial). Di nos 161 graduados duranti nos termo komu un skola autonoma, 54% di alunus dja bai kuléjiu, 19% pa trabadju i 27% pa programás di trenamentu. Ku nos foku na justisa restaurativa i konpromisu na torna un instituison antirasista, nu manti taxa di suspenson na 3%, ki sta ben más baxu di ki valores di padrons speradu. Nu sta finanseramenti estável ku 1.66 milyon en rekursus. Nu sta kontenti di nos sólido parseria tantu ku BPS i BTU duranti txeu anus.

Visto ki nos é un skola Horace Mann, aplikason pa renovason di nos status ta iziji apoio di Sindikadu di Profesores di Boston i un voto afirmativu di Komitê di Skolas di Boston. Anexo sta nos materials provisorios pa nhos revision. Nu sta spera diskuti nos aplikason di renovason ku nhos na runion di Komitê di skolas na tersa-fera 21 di junhu di 2022.

N sta dispunivel pa diskuti kes dokumentus li antis di runion si kela ta ser di ajuda. Bu pode tanbé txoma-m pa (617) 838-1157 ô manda-nu un email pa ahramiec@bostonpublicschools.org.

Akademia Boston Day and Evening 20 Kearsarge Avenue Roxbury MA 02119 *617-635-6789*